



24 Abril 2020

Mensajen husi Embaixador Austrália nian iha Timor-Leste, Peter Roberts



Ha'u espera katak informasaun iha ami nia buletin surtu COVID-19 nian dahuluk útil ba ita-boot sira. Husi ha'u nia hakerek ba dahuluk ba buletin ne'e, iha ona mudansa barak inklui númeru kazu ne'ebé aumenta iha Timor-Leste. Ida ne'e situasaun ida ne'ebé dezafia tebes maibé ha'u hakarak asegura ba ita hotu katak Austrália iha ne'e hodi kontinua serbisu nafatin ho Timor-Leste.

Ha'u haksolok tebes atu relata ba ita-boot sira katak desde selebrasaun Páskua iha ona progresu ne'ebé di'ak. Agora daudaun ami hala'o serbisu ho Governu Timor-Leste, OMS no ONG sira no mós ho parseiru sira seluk hodi apoia atividade hotu ne'ebé relaciona hó surtu COVID-19. No iha Canberra, ami nia diresaun iha DFAT ne'ebé toma-konta kona-ba Timor-Leste no Embaixadora Inês Almeida partisipa reuniaun semanal hodi atualiza nasaun hotu kona-ba Austrália nia assisténsia iha Timor-Leste no iha rejiaun Pasífiku hodi hatan ba situasaun surtu COVID-19.

Dalaruma ita hotu akompañia notisia ne'ebé fó sai tuir ami nia pájina Facebook. Maibé ha'u hakarak temi iha ne'e rezultadu prinsipál balun ne'ebé mak iha ona.

Iha semana rua kotuk nia laran, Austrália:

- 01** Aloka ona osan AUD millaun 10 hanesan fundus adisionál hodi ajuda Timor-Leste kombate hasoru surtu COVID-19. Ida ne'e hanesan fundus adisionál ba Austrália nia fundus anuál AUD millaun 100 ba parseria dezvoltamentu, ne'ebé ami mos ajusta fali hodi suporta Timor-Leste responde ba surtu COVID-19. Ami servisu hamutuk ho governu Timor-Leste kona-ba oinsa atu uza rekursu adisionál hirak ne'e.
- 02** Suporta abertura ba facilidade izolamentu Vera Cruz. Infraestrutura ida ne'e kritikál tebes ba pasiente COVID-19 sira hodi simu suporta ne'ebé sira presiza, enkuantu ita kontinua prevene infesaun iha comunidade sira.
- 03** Estende fundus adisionál ba ONG Maluk Timor atu fornese treinamentu ba pesoál saúde nain liu 1,000 iha munisípiu hotu iha Timor-Leste.
- 04** Verifika ona teste COVID-19 nian liu 300 ne'ebé hala'o husi Laboratóriu Nasionál Timor-Leste iha Royal Darwin Hospital. Laboratóriu Nasionál servisu hamutuk ho Menzies School of Health Research no Royal Darwin Hospital hodi hasa'e kapasidade Laboratóriu Nasionál nian halo teste, ne'ebé ajuda Ministério da Saúde hodi monitoriza no responde ba surtu ne'e ho lalais.
- 05** Liu-husi Programa Dezenvolvimentu Polísia Timor-Leste, Polísia Federal Austrália nian fornese ona ekipamentu sira hodi ajuda PNTL atu hala'o sira nia servisu liña dahuluk, inklui halo patrulla iha fronteira.



06 Ajuda suporta ema sira ne'ebé vulneravel liu, liu-husi fundus adisionál ba uma mahon ba fetu no labarik sira ne'ebé esperiênsia violênsia doméstika. Liu-husi ami nia programa Nabilan, ami estabelese ona medida sira hodi prevene infesaun ba uma mahon sira atu ema sira bele seguru, no mos promove mensajen kona-ba saúde publiku sira, inklui servisu referal sira.

07 Realiza pakote aprende husi distânsia ba estudante F-FDTL sira iha Fasilidade Treinamentu Lian Inglês iha Metinaro no suporta F-FDTL atu mantein sira nia prontidaun operasionál liu hosi assistênsia hadia jeradór iha baze Baucau.

08 Estabelese estasaun fase liman foun iha Sentru Saúde komunidade Becora, Dili. Ida ne'e dahuluk husi tanki bee foun hamutuk 30 ne'ebé sei entrega ba komunidade sira iha Timor-Leste hanesan parte husi programa PARTISIPA ne'ebé nia funda mai husi Austrália.

Aban ami sei komemora loron veteranus nian (loron ANZAC), loron komemorasaun nasionál ba Australia ho Nova Zelandia. Atu fo onra ba ami nia istória konjunta militar nian, timoroan barak mak sempre hamutuk ho ami iha seremonia dadersan nian. Ami nia komemorasaun tinan ida ne'e sei diferensia oituan, liu husi ema ida-idak hato'o onra mesak. Maske ami la komemora hamutuk, hau fiar katak ami sei hetan meius hodi espreza ami nia solidariedade.



Ita hotu presija kontinua hala'o ita nia knaar hasoru surtu COVID-19 – mantein hela iha uma bainhira la nesesito atu sai, pratika distânsia sosiál, mantein ijiene pesoál ne'ebe aas. Ita ida-idak iha papel hodi prevene surtu COVID-19 nia hadaet no salva ita nia vida.